



**Broj: 02-50-1-16-32/09**

**Sarajevo: 15. 7. 2009.**

**BOSNA I HERCEGOVINA  
PARLAMENTARNA SKUPŠTINA  
ZASTUPNIČKI DOM**

**PREDMET: Obavijest**

Dom naroda Parlamentarne skupštine BiH je na 32. sjednici, održanoj 13. 7. 2009. godine, razmatrao sljedeće točke dnevnoga reda:

1. Izvještaj Zajedničke komisije za usaglašavanje teksta Prijedloga zakona o izmjenama i dopunama Zakona o Graničnoj policiji BiH;
2. Zahtjev Vijeća ministara BiH za razmatranje Prijedloga zakona o izmjenama i dopunama Zakona o plaćama i naknadama u institucijama BiH po hitnom postupku, u skladu s članom 122. Poslovnika Doma naroda;
3. Prijedlog zakona o izmjenama i dopunama Zakona o službi u Oružanim snagama BiH (drugo čitanje), predlagač: Vijeće ministara BiH;
4. Prijedlog zakona o kontroli vanjskotrgovinskog prometa robe i usluga od strateške važnosti za sigurnost BiH (drugo čitanje), predlagač: Vijeće ministara BiH;
5. Prijedlog zakona o upotrebi znakovnog jezika (prvo čitanje), predlagač: Predstavnički dom;
6. Godišnja platforma sigurnosno-obavještajne politike, podnosilac: Predsjedništvo BiH;
7. Informacija o radu Tužilaštva BiH za 2008. godinu;
8. Informacija Ombudsmena za ljudska prava BiH o zatečenom stanju u 2008. godini i aktivnostima preduzetim u 2009. godini;
9. Informacija o stanju sigurnosti u Bosni i Hercegovini u 2008. godini;
10. Izjašnjavanje Doma o prijedlogu Zajedničkog kolegija oba doma Parlamentarne skupštine BiH da se kolegiji oba doma obrate visokom predstavniku za BiH radi davanja mišljenja o Zaključku Zajedničke komisije za ljudska prava, prava djeteta, mlade, imigraciju, izbjeglice, azil i etiku;
11. Davanje saglasnosti za ratifikaciju Sporazuma između Vijeća ministara BiH i Vlade Države Izrael o ukidanju viza za nosioce diplomatskih i službenih pasoša;
12. Davanje saglasnosti za ratifikaciju Sporazuma između Vijeća ministara BiH i Vlade SR Njemačke o finansijskoj saradnji u 2006. godini,
13. Davanje saglasnosti za ratifikaciju Sporazuma između Vijeća ministara BiH i Vijeća ministara Republike Albanije o uzajamnim putovanjima državljana;
14. Davanje saglasnosti za ratifikaciju Dodatka na Memorandum o razumijevanju između Vlade Kraljevine Holandije i Vijeća ministara BiH o Programu za saradnju s tržištima u nastajanju (PSOM);
15. Davanje saglasnosti za ratifikaciju Zasebnog aranžmana između Frankfurta na Majni i BiH, koju zastupa Ministarstvo finansija i trezora BiH, kao i Federacije BiH, koju zastupa Federalno ministarstvo finansija, i Republike Srpske, koju zastupa Ministarstvo finansija Republike Srpske;
16. Davanje saglasnosti za ratifikaciju Konvencije o identifikacionim dokumentima pomoraca br. 185. iz 2003. godine;

17. Davanje saglasnosti za ratifikaciju Konvencije o klauzulama o radu (javni ugovori), broj: 94 iz 1949. godine, i Preporuke o klauzulama o radu (javni ugovori), broj: 84 iz 1949.. godine, Međunarodne organizacije rada;
18. Davanje saglasnosti za ratifikaciju Konvencije o zaštiti i korištenju prekograničnog vodotoka i međunarodnih jezera, Helsinki, 17. marta 1992. godine;
19. Davanje saglasnosti za ratifikaciju Konvencije o radu na nepuno radno vrijeme, broj: 175 iz 1994. godine, i Preporuke o klauzulama o radu na nepuno radno vrijeme, broj: 182 iz 1994. godine, Međunarodne organizacije rada;
20. Davanje saglasnosti za ratifikaciju Konvencije o sigurnosti i zdravlju u rudnicima, broj: 176 iz 1995. godine, i Preporuke o sigurnosti i zdravlju u rudnicima, broj: 183 iz 1995. godine, Međunarodne organizacije rada;
21. Davanje saglasnosti za ratifikaciju Konvencije o radu kod kuće, broj: 177. iz 1996. godine, i Preporuke o radu kod kuće broj: 184. iz 1996. godine, Međunarodne organizacije rada;
22. Davanje saglasnosti za ratifikaciju Konvencije o privatnim agencijama za zapošljavanje, broj: 181 iz 1997. godine, i Preporuke o privatnim agencijama za zapošljavanje, broj: 188 iz 1996. godine, Međunarodne organizacije rada;
23. Davanje saglasnosti za ratifikaciju Konvencije o zaštiti materinstva, broj: 183 iz 2000. godine, i Preporuke o zaštiti materinstva, broj: 191 iz 2000. godine, Međunarodne organizacije rada;
24. Davanje saglasnosti za ratifikaciju Konvencije o sigurnosti i zdravlju u poljoprivredi, broj: 184 iz 2001. godine, i Preporuke o sigurnosti i zdravlju u poljoprivredi, broj: 192 iz 2001. godine, Međunarodne organizacije rada;
25. Davanje saglasnosti za ratifikaciju Konvencije o radu na moru (MLC) iz 2006. godine Međunarodne organizacije rada,
26. Davanje saglasnosti za ratifikaciju Konvencije o radu u ribolovu, broj: 188 iz 2007. godine, i Preporuke o radu u ribolovu, broj: 199 iz 2007. godine.

#### **Ad - 1.**

Dom naroda usvojio je Izvještaj Zajedničke komisije za usaglašavanje teksta Prijedloga zakona o izmjenama i dopunama Zakona o graničnoj policiji sa sljedećim zaključkom Zajedničke komisije za usaglašavanju teksta, pa je samim time Zakon **usvojen**.

„S obzirom na potrebu da pitanja koja, u skladu sa usvajanim amandmanima na Prijedlog zakona o izmjenama i dopunama Zakona o Graničnoj policiji BiH, treba regulisati na identičan način i u Zakonu o Državnoj agenciji za istrage i zaštitu, to se od Vijeća ministara BiH zahtijeva da u što kraćem roku izradi i u parlamentarnu proceduru dostavi prijedlog izmjena i dopuna toga Zakona“.

#### **Ad - 2.**

Dom naroda **nije usvojio** Zahtjev Vijeća ministara BiH za razmatranje Prijedloga zakona o izmjenama i dopunama Zakona o plaćama i naknadama u institucijama BiH po hitnom postupku. Prijedlog zakona će se razmatrati po skraćenom postupku.

#### **Ad - 3.**

Dom naroda **usvojio je** Zakon o izmjenama i dopunama Zakona o službi u Oružanim snagama BiH u identičnom tekstu kao i Predstavnički dom.

#### **Ad - 4.**

Prilikom razmatranja Prijedloga Zakona o kontroli vanjskotrgovinskog prometa robe i usluga od strateške važnosti za sigurnost BiH Dom naroda usvojio je sljedeći zaključak:

„Dom naroda Parlamentarne skupštine Bosne i Hercegovine odlučio je Prijedlog zakona o kontroli vanjskotrgovinskog prometa roba i usluga od strateške važnosti za sigurnost BiH (drugo čitanje) vratiti Zajedničkoj komisiji za odbranu i sigurnost BiH Parlamentarne skupštine Bosne i Hercegovine na ponovno odlučivanje o svim predloženim amandmanima, razmatranim na sjednici Zajedničke komisije za odbranu i sigurnost BiH Parlamentarne skupštine Bosne i Hercegovine“.

#### **Ad - 5.**

Dom naroda **usvojio je** Prijedlog zakona o upotrebi znakovnog jezika u prvom čitanju.

#### **Ad - 6.**

Dom naroda usvojio je Godišnju platformu s predloženim dodatkom Zajedničke komisije za nadzor nad radom Obavještajno-sigurnosne agencije BiH .

#### **Ad - 7.**

Dom naroda primio je k znanju Informaciju o radu Tužilaštva BiH za 2008. godinu.

#### **Ad - 8.**

Dom naroda primio je k znanju Informacija Ombudsmena za ljudska prava BiH o zatečenom stanju u 2008. godini i aktivnostima preduzetim u 2009. godini sa sljedećim zaključkom:

1. Prima se k znanju Informacija ombudsmena za ljudska prava Bosne i Hercegovine o zatečenom stanju u 2008. godini i aktivnostima preduzetim u 2009. godini.
2. Poziva se Ministarstvo pravde Bosne i Hercegovine da, u saradnji sa ентитетским министарствима правде, održe sastanak i predlože rješenja u vezi s problemima u primjeni Zakona o izmjenama i dopunama Zakona o ombudsmenu za ljudska prava Bosne i Hercegovine, na osnovu Informacije ombudsmena za ljudska prava Bosne i Hercegovine o zatečenom stanju u 2008. godini i aktivnostima preduzetim u 2009. godini.

#### **Ad - 9.**

Dom naroda primio je k znanju Informacija o stanju sigurnosti u Bosni i Hercegovini u 2008. godini sa sljedećim zaključkom:

1. Zahtijeva se od Vijeća ministara BiH da obavi prethodnu raspravu o Informaciji o stanju sigurnosti BiH za 2008. godinu, izradi plan mjera za rješavanje sigurnosnih pitanja i o tome dostavi informaciju Zajedničkoj komisiji i domovima Parlamentarne skupštine BiH.
2. Radi rješavanja pitanja i problema te predlaganja mjera iz područja sigurnosti navedenih u Informaciji, obavezuje se Zajednička komisija da organizira posebnu sjednicu sa ministrom sigurnosti BiH, njegovim saradnicima te direktorima sigurnosnih agencija BiH, uključujući i direktora BHMACH-a. Pitanja obrađena u Informaciji potom će biti detaljno razmatrana i na konferenciji o stanju sigurnosti, koju će Zajednička komisija organizovati u skladu sa usvojenim Radnim planom za ovu godinu.

#### **Ad - 10.**

U drugom krugu glasanja Dom naroda usvojio je Zaključak povodom zaključaka Zajedničke komisije za ljudska prava, prava djeteta, mlade, imigraciju, izbjeglice i azil a to je da se kolegij oba doma obrati visokom predstavniku za BiH radi davanja mišljenja o Zaključku Zajedničke komisije.

**Ad - 11. -26**

Dom naroda dao je saglasnost za ratifikaciju sporazuma iz ovih tačaka dnevnoga reda.

S poštovanjem,

**PREDSJEDAVAJUĆI**  
**DOMA NARODA**  
Ilija Filipović, dipl. iur.